

Nit innere andere Zitt, nur amme andere Blatz ✓

Von Simone Schneider

Z'dritt odr manchmol au z'viert – denno isch's eweng eng wore – sinn si uff dem griäne Bänkli am Eck g'hockt. Alli hänn si Mandlschirtz anghet, unn jeder het e klei wenig anderscht üsgsehne wie de ander. Morgens hett als d'Nochberi üsm Fenschdr gluegt unn het ä scheener Dag gwunsche: im Nachdhemm, mitm Hoornetz uffm Kopf unn noch ohni Zähn. D' andr Nochberi het als Deppich klopf im Hof un bi Gwidder het si bi gschlossene Fenschderläde vorere gweihde Kerz s' Vadder Unser beddet. Mit de einde Oma simmr midm Leidrwägili ind Miehli ge Mähl hole un hänn denno widr d' Miehlgass vor zoge. Unn ins „Café Tascher“ simmr mit de andr Oma, wenn d'ald ledig Dande us de Stadt (do wo mir d'Augebraue henn, het si ä schmaler schwarzer Strich ghet) uff Bsuech kumme isch unn hänn dert Mokkabohne un Bananeomlett kauft - des het nit „Amlett“ gheisse, des isch ä richtigs „Omelett“ gsi. Manchmol, wenn's richdig heiß gsi isch drusse, het's klinglt uff de Stroß – dann isch de idalisch Iiswage am Eck gschdande un mir Kinder sinn alli grennt. Eimol im Johr simmr amme Samschdigmorge ganz still im Bett laie bliewe un henn d' Ohre zueghebt bis d' Sau nimmi briält het. Dann



Eine andere Zeit -
ein anderer Ort: Das
Café „Süßes Löchle“
in Lahr um 1914.

hämmr usm Fenschdr gluegt unn henn si gsehne, wie sie do annere Leider ans Nochbers Huuswand ghängt isch. Im Summer schickt mi de Vadder zu de Irma, ä Flasch Bier hole unn ä Iis fir mich. Nit in d' „Traube“, so het nämlig kei Mensch gsait – nur „zu de Irma“. Do hocke d'alde Männer amme große runde Disch un schbiele Karde, unn um si rum de Rauch vun viele Zigarre un Zigarette. Zu minnem Geburtstag schenkt mr d' Irma ä Schachdl Katzezung, wo si usm Känschderli an de Wand hinder de Thek ruslangt. Im Eck schdeht ä Mussikbox wo niä lauft.

Wenn ebbis verlore geht – kammers denno nit widdr finde – amme andere Blatz villicht, wemmr nur oft gnueg zum Heilige Andonius beddet?

Dass si irgendwo sinn; nit innere andere Zitt, nur amme andere Blatz:

d' bliemte Mandlschirtz uffm griene Bänkli, d' Irma unn ihri Karde-Männer, de idalienisch Iiswage, s'Metzge sogar, d' Nochberi mitm Hoornetz un'm Deppichklopper, d' stumm Mussikbox unn d'Katzezung im Känschderli, d' ald ledig Dande daheim am Disch, vor sich s' Taschers Mokkabohne unn's Bananeomelett?